

dakwah di Sarawak, yang secara rinci membahas tentang gerakan dakwahnya terhadap masyarakat, gerakan dakwahnya dalam berpolitik dan gerakan dakwahnya dalam pendidikan di Sarawak.

BAB IV Membahas tentang pemerintahan Tun Abdul Rahman dalam gerakan politik di Sarawak, yang secara rinci mengurai tentang pemikiran Tun Abdul Rahman terhadap masyarakat dan pemikirannya dalam menggerakkan dakwah dalam berpolitik.

BAB V Merupakan penutup, yang didalamnya ada kesimpulan dari penulis, saran-saran, dan kritik.

BAB II

RIWAYAT HIDUP TUN ABDUL RAHMAN YA'KUB

Untuk mengetahui tokoh ini dengan lebih lanjut, penulis akan membahas dalam bab ini mengenai perjalanan riwayat hidupnya.

Beberapa tulisan mengenai tokoh ini telah diabadikan oleh beberapa orang penulis seperti H.M Tuah Iskandar dalam *Abdul Rahman Ya'kub Kancil Sarawak*, Suhaimi Mokhtar dalam *Putera Kenyalang Satu Dekad Penuh Cabaran* dan sebagainya adalah fakta mengenai ketokohan beliau di Sarawak khususnya dan di Malaysia umumnya. Dalam usia menjangkau 85 tahun sudah tentu berbagai kenangan yang ditinggalkan ada suka duka sepanjang pengabdian beliau di Sarawak Darul Hana. Untuk itu penulis akan menguraikan perjalanan silam individu ini pada perbincangan yang selanjutnya.

A.Latar Belakang

Tokoh ini dilahirkan di Kampung Jepak Bintulu pada 3 Januari 1928.⁹ Ayahnya Wan Ya'kub Bin Wan Yusuf atau lebih dikenali dengan nama Pak Lekup berasal dari Mukah Sarawak manakal ibu beliau Siti Hajar Binti Mohd. Tahir,¹⁰ juga dikenali dengan nama Emak Hajar adalah dari keturunan Brunei dan masih mempunyai banyak saudara di sana.

Tokoh ini senang dipanggil dengan nama 'mong' yaitu panggilan manja oleh ayahnya semasa kecil. Moyang beliau bernama Pehin Orang Kaya Setia Raja Abang Manai yang menurut kisahnya pernah mencetuskan masalah terhadap Administrasi Brooke suatu ketika dahulu di Sarawak. Maka disebabkan perkara inilah tokoh ini pernah dimarah oleh salah seorang Pegawai Inggeris ketika melamar jawatan dalam pentadbiran pada Zaman Kolonial Inggeris.¹¹

Tokoh ini sekeluarga tinggal di Kmpung Jepak bersama dengan Masyarakat Melanau yang mana pekerjaan utama mereka adalah menangkap ikan karena kedudukan Bintulu berdekatan dengan pantai Laut Cina Selatan. Abdul Rahman merupakan anak bongsu daripada enam orang saudara yaitu abang sulung yang bernama Abdul Rauf dan kakak-kakak beliau bernama Fatimah, Hamidah, The dan Che mah.¹²

Kehidupan sebagai nelayan serba kekurangan dan pendapatan yang tidak

⁹ H.M Tuah Iskandar, *Abdul Rahman Ya'akub Kancil Sarawak* (Kuala Lumpur: Dewan Bahasa Dan Pustaka,1999), 3

¹⁰ Suhaimi Mokhtar, *Putera Kenyalang Satu Dekad Penuh Cabaran* (Petaling Jaya Selangor: Penerbitan Pena Sdn. Bhd, 1981), 24-25

¹¹ H.M Tuah Iskandar, *Abdul Rahman Ya'akub Kancil Sarawak*, 115

¹² *Ibid.*, 2

menentu karena lebih bergantung dengan hasil tangkapan laut termasuk keluarga tokoh ini. Bagi menyara keluarga, Pak Lekup menangkap ikan dan juga melakukan kerja-kerja lain seperti mengambil kayu belian¹³ untuk dijual dan sebagainya. Selain menjadi nelayan, Pak Lekup juga merupakan seorang guru Al-Quran yang mengajar anak-anak orang kampung dan anak-anaknya sendiri termasuk tokoh ini yang masih kecil.

Pak lekup sangat peduli tentang pendidikan anak-anaknya terutama tokoh ini. Beliau berhasrat melihat anak-anaknya berhasil kelak lebih-lebih lagi beliau ingin melihat tokoh ini menjadi seorang tokoh agama atau pun menjadi seorang peguam.¹⁴

Pada tahun 1931, Pak Lekup membuat keputusan berpindah ke Miri karena mahu mencari pekerjaan baru di sana dan memperbaiki keadaan hidup mereka.¹⁵ Kehidupan tokoh ini sekeluarga di Miri berbeda dengan sebelumnya, mereka menyewa sebuah rumah milik lelaki India bernama Syed Ahmad yang mesra dipanggil ‘nana’ di jalan Eu Seng, Kampung Wireless. Mereka bertetangga dengan sebuah keluarga Tionghua yaitu Tauke Chong yang berniaga kedai runcit di kampung berkenaan. Kehidupan keluarga tokoh ini dengan keluarga jiran-jiran sangat harmoni, saling tolong-menolong dan

¹³ Pokok Belian merupakan sejenis pokok kayu keras, nama saintifiknya *Eusideroxylon Zwaggen*. Ia merupakan pokok yang lambat tumbuh membesar. Kayu Belian (*Eusideroxylon zwageri*), sepiis balak Malaysia Timur, tahan secara semulajadi disebabkan ciri-ciri anatomi uniknya dan kandungan hasilan yang tinggi. Kayunya mampu tahan dedahan kepada tanah dan keadaan lain tanpa kehilangan kekuatan yang jelas. Beberapa tiang elektrik Berlian yang diuji di Sarawak menunjukkan hanya reput permukaan pada garis tanah selepas 20 tahun – dicapai 21 Ogos 2011, http://ms.wikipedia.org/wiki/Pokok_Belian

¹⁴ Suhaimi Mokhtar, *Putera Kenyalang Satu Dekad Penuh Cabaran*, 12

¹⁵ Jawatankuasa Penyelidikan Sejarah Penerbitan dan Penerangan Perayaan 10 Tahun Angkatan Nahdatul Islam Bersatu (B.I.N.A), *Sepuluh Tahun BINA 1969-1979* (Singapore: Koon Wah Lithographer,t.t), 23

memahami antara satu sama lain. Tokoh ini juga berkawan baik dengan anak-anak Tauke Chong, mereka pergi ke sekolah dan pada waktu tertentu mereka belajar bersama-sama.

Kedudukan keuangan yang tidak menentu menyebabkan sewa rumah Pak Lekup tertunggak beberapa bulan. Namun begitu beliau bersyukur karena tuan rumah sangat memahami keadaan beliau sekeluarga dan memberi kelonggaran kepada beliau untuk melunaskan sewa tersebut apabila memiliki uang yang cukup.

Peristiwa yang sangat menggembirakan tokoh ini sekeluarga adalah ketika dimaklumkan oleh suami kakaknya bahwa permohonan mendapatkan sebidang tanah telah diluluskan. Pak Lekup mula mengumpul bahan-bahan yang diperlukan untuk mendirikan rumah di tapak tersebut sedikit demi sedikit. Akhirnya rumah itu dapat didirikan sekadar termampu. Walaupun masih belum lengkap tetapi Tun Abdul Rahman sekeluarga amat gembira karena sudah tinggal di rumah sendiri. Di rumah itulah tokoh ini membesar dan melalui berbagai peristiwa serta pengalaman yang tidak mungkin dilupakan oleh beliau.¹⁶

Pada tahun 1941 hingga 1945 Tanah Melayu jatuh ke tangan Jepang. Ekspedisi Tentera Jepang memasuki kampung-kampung dan pedalaman untuk mengejar musuh mereka dan memaksa penduduk kampung melarikan diri dari kekejaman tentera jepang. Keluarga Tun Abdul Rahman juga mengosongkan

¹⁶ H.M Tuah Iskandar, *Abdul Rahman Ya'akub Kancil Sarawak*, 33

dan meninggalkan rumah mereka untuk menyelamatkan diri ke kawasan yang lebih selamat. Keadaan ini berlaku berulang kali sepanjang pendudukan Jepang itu.

Pengalaman yang berharga yang dilalui oleh tokoh ini apabila beliau bekerja menjadi penterjemah kepada tentera Jepang. Beliau dipilih kerana kebolehan bercakap dan berkomunikasi dalam bahasa Jepang.¹⁷

Tokoh ini hampir-hampir menemui ajal ketika menjadi penunjuk jalan kepada tentera Jepang untuk pergi ke satu kawasan yang beliau sendiri tidak pernah sampai. Pada pertengahan jalan mereka terserempak dengan Pak Mudin yaitu bapa saudara sebelah ibunya lalu menyertai mereka. Apabila Pak Mudin mendapati keadaan mereka semakin sukar, beliau menyuruh tokoh ini melarikan diri kerana kemungkinan mereka akan dibunuh memandangkan perjalanan mereka telah tersasar dan tidak akan sampai ke tempat yang dituju. Ketika mereka berehat dari keletihan tokoh ini mengambil kesempatan lari meninggalkan kumpulan tersebut tanpa diketahui oleh tentera Jepang.¹⁸

Satu peristiwa yang menyentuh hati tokoh ini terjadi ketika tentera Jepang memukul abangnya Abdul Rauf yang tidak pergi bekerja kerana tidak sihat, namun alasan itu tidak dapat diterima oleh tentera Jepang. Penderaan fizikal itu dilakukan dihadapan tokoh ini sendiri dan beliau amat sedih dan kecewa menyaksikan peristiwa tersebut. Semenjak hari itu tertanam rasa tidak senang

¹⁷ Ibid.,

¹⁸ H.M Tuah Iskandar, *Abdul Rahman Ya'akub Kancil Sarawak*, 65-68

beliau terhadap tentera Jepang sehingga meninggalkan bahasa Jepang. Beliau kesal dengan tindakannya itu tetapi sebagai manusia beliau juga mempunyai alasan untuk menyukai atau membenci sesuatu.¹⁹

Penderitaan hidup menjadikan tokoh ini berani dan sanggup menghadapi risiko. Beliau bersama ayahnya ke laut yang berombak dan sungai yang berjeram serta merbahaya mengambil guano²⁰ di Gua Niah untuk dijual. Mengharungi air sungai yang deras dan terdapat jeram, menggunakan kapal injin disel amat berbahaya tetapi terpaksa diredah untuk kesinambungan hidup. Semua itu menjadi guru dan pengalaman berguna kepada Abdul Rahman dalam sejarah hidupnya.²¹

Pada usia kanak-kanak, Abdul Rahman mempunyai minat seperti kanak-kanak yang lain dan beliau adalah seorang yang berbakat dan serba boleh. Di antaranya beliau amat gemar bermain sepak bola disamping jenis-jenis olahraga yang lain.

...Rahman Ya'akub was very active insports during his school days, especially football (soccer). In the later years of his life he also enjoyed playing golf. Rahman is a very religious man and loves reading religious books on Islam. He even conduct free-religious classes for the public after leaving active politics in 1985...²²

Kesehatan tokoh ini sering terganggu dan dimasukkan ke Rumah Sakit Pakar

¹⁹ Suhaimi Mokhtar, *Putera Kenyalang Satu Dekad Penuh Cabaran*, 40

²⁰ Guano: Tahi Kelawar sedah kering yang digunakan sebagai baja. Dewan Bahasa Dan Pustaka (1981), *Kamus Dewan Edisi Baru*, Kuala Lumpur, Kementerian Pendidikan Malaysia, h. 380

²¹ H.M Tuah Iskandar, *Abdul Rahman Ya'akub Kancil Sarawak*, 71-74

²² http://en.wikipedia.org/wiki/Abdul_Rahman_Yakub, dicapai 24 Jun 2011

Normah di Petra Jaya Kuching. Nama rumah sakit tersebut adalah diambil dari nama istri beliau yang pertama yaitu Toh Puan Normah. Tokoh ini menghembus nafas terakhir beliau pada jam 9.30 malam tarikh 10 Januari 2015 dipangkuan keluarga beliau tercinta. Jenazah beliau disembahyangkan di Masjid Jamek Negeri Sarawak oleh ribuan umat Islam. Jasad tokoh yang gemilang ini disemadikan di tanah perkuburan Islam Samariang, Kuching

B. Pendidikan

Hasrat dan keinginan tokoh ini untuk menuntut ilmu sejak dari kecil lagi dan terus mekar seakan-akan tidak pernah pudar apalagi hilang. Beliau mendapat pendidikan awal di Sekolah Melayu Anchi di Miri. Walaupun tidak membawa peralatan belajar yang mencukupi, beliau tetap gembira dapat ke sekolah. Perjalanan suka duka persekolahan beliau sangat berliku dan mencabar sehingga beberapa kali tergendala disebabkan kemiskinan dan juga perkara yang lain seperti ketegangan yang berlaku semasa tercetusnya Perang Dunia Kedua.²³

Ketika perang reda pada tahun 1946, beliau menyambung pelajarannya semula dan ketika berusia 18 tahun beliau hanya lulus Standard Dua atau Darjah Empat sahaja. Pelajarannya terhenti lagi buat seketika, kemudian menyambung kembali selama setahun tetapi lagi berhenti. Atas faktor keuangan

²³ Karia Bin Haji Rahmat, "Pemerintahan Negeri Sarawak Zaman Datuk Patinggi Haji Abdul Rahman Ya'kub: Satu Analisa Dari Perspektif Islam" (Kertas Kerja, Fakulti Syariah Akademi Islam, Universiti Malaya, 1994), 42

keluarga yang miskin tidak dapat membiaya persekolahannya, beliau harus bekerja untuk membantu ayah dan keluarga.

Tokoh ini membuat keutusan untuk mencari kerja dan melupakan buat seketika pelajarannya. Dengan mendapat gaji, dia boleh membantu ayahnya menampung perbelanjaan keluarga. Pekerjaan pertama beliau adalah sebagai penguji mutu minyak ‘*Oil Tester*’ dengan Syarikat Shell di Lutong Miri dengan gaji di antara 42sen hingga 2 ringgit sehari. Disamping itu beliau mengajar Bahasa Melayu kepada pekerja-pekerja Shell untuk menambah pendapatannya.²⁴

Ketika asyik dengan pekerjaan dan mengumpul gaji serta membantu mengurangkan beban keluarga, tokoh ini mendapat tawaran melanjut pelajaran dalam bidang agama di Madrasah Al-Juned Singapura. Beliau sangat gembira mendapat tawaran tersebut tetapi hanya buat seketika kerana Emak Hajar sangat keberatan untuk melepaskan beliau pergi jauh. Tokoh ini membatalkan hasrat untuk menyambung pelajarannya dan melupakan tawaran tersebut walaupun dengan hati yang berat.

Tokoh ini sememangnya individu yang cekal dan sentiasa berusaha agar hasratnya tercapai walaupun terpaksa akan berjauhan dengan keluarganya. Pada tahun 1947 beliau bertolak ke Kuching untuk mendapatkan pekerjaan dan juga peluang melanjutkan pelajarannya kerana di Bandar Kuching terdapat kelas-kelas malam yang boleh beliau ikuti. Sepanjang merantau di Kuching

²⁴ Suhaimi Mokhtar, *Putera Kenyalang Satu Dekad Penuh Cabaran*, 12

beliau pernah bekerja sementara sebagai mandor wad di Hospital.²⁵

Tokoh ini sentiasa mencari peluang dan kedudukan yang mengukuhkan keadaan beliau supaya bertahan lebih lama di Bandar Kuching. Sekiranya dimaklumkan kepada beliau terdapat jawatan yang kosong, maka beliau akan berusaha mengisinya mengikut prosedur yang ditetapkan. Permohonan Abdul Rahman pernah ditolak ketika melamar untuk menjadi Pegawai Pelatih Hal-Ehwal Bumiputera. Kelulusan yang disyaratkan untuk jawatan tersebut adalah Tingkatan Dua sedangkan beliau haya lulus Standard Empat (darjah Enam). Beliau berterus terang kepada peawai berkenaan bahawa tujuan beliau bukanlah semata-mata untuk mendapatkan tetapi juga berhasrat untuk melanjutkan pelajarannya.

Walaupun beliau tidak berhasil mendapatkan pekerjaan tersebut, beliau ditawarkan pinjaman untuk melanjutkan semula pelajarannya di Madrasah Melayu. Dalam masa kurang dari satu tahun beliau menamatkan Standard Tujuh yang setaraf denga Sijil Rendah Pelajaran (SRP)²⁶ dan sekarang dikenali dengan PMR. Beliau sekali lagi menunjukkan kecemerlangan apabila lulus dalam seluruh ujian yang seharusnya ditamatkan dalam tempoh di antara dua hingga tiga tahun, tetapi Abdul Rahman hanya mengambil masa selama enam bulan

²⁵ H.M Tuah Iskandar, *Abdul Rahman Ya'akub Kancil Sarawak*, 107-109

²⁶ Sijil Rendah Pelajaran (SRP) adalah peperiksaan bagi pelajar tingkatan tiga. Pelajar yang gagal dalam ujian ini tidak dapat meneruskan pelajaran ke tigtakan empat. Sekarang peperiksaan tersebut dikenali Penilaian Menengah Rendah (PMR) dengan sedikit perbezaan yaitu pelajar boleh meneruskan pelajaran ke tingkatan empat walaupun gagal dalam peperiksaan ini.

sahaja.²⁷

Pencapaian dan prestasi tokoh ini semakin meningkat dari satu tingkat ke tingkat yang berikutnya. Beliau dilantik menjadi Majistret Kelas Empat di Miri dan tidak lama selepas itu, yaitu dalam tahun 1952 beliau dinaikkan pangkat menjadi meajistret Kelas Satu. Disana beliau memberi bakti dan khidmat dengan baik dan cemerlang. Di samping itu hati kecilnya masih tersimpan riak dan kegelisahan mencari-cari peluang untuk melanjut pelajaran.

Sejak sekian lama di alam pekerjaan dan berada dalam situasi yang nyaman, tokoh ini mengambil keputusan yang berat apabila meletak jawatan sebagai hakim untuk menyambung persekolahannya. Beliau mengambil peperiksaan Seberang Laut Cambridge di Sekolah Menengah Saint Joseph di Kuching. Perjalanan berbatu-batu kemudian menaiki perahu menelusuri sungai Sarawak yang berliku-iku seakan-akan tidak dirasa oleh beliau karena membawa semangat membara untuk belajar dan mengejar cita-cita.²⁸

Akhirnya, perjuangan dan pengorbanan yang telah beliau lakukan mendapat pengembalian yang layak. Dengan izin Allah S.W.T, beliau telah lulus dengan cemerlang dan pada tahun 1953 kemudian dianugerah biasiswa melanjutkan pelajaran dalam bidang undang-undang di Universitas Southampton. Setahun kemudian yaitu pada tahun 1954 Abdul Rahman bertolak ke England meninggalkan Bumi Kenyalang Sarawak buat

²⁷ Jawatankuasa Penyelidikan Sejarah Penerbitan dan Penerangan Perayaan 10 Tahun Angkatan Nahdatul Islam Bersatu (B.I.N.A), *Sepuluh Tahun BINA 1969-1979*, 23

²⁸ Suhaimi Mokhtar, *Putera Kenyalang Satu Dekad Penuh Cabaran*, 13

menyambung perjuangannya menuntu ilmu.²⁹

Dengan tawaran itu terubatlah kerinduan tokoh ini untuk melanjutkan peajarannya sebagaimana yang sangat diidamkannya sejak dari kecil. Walaupun beliau gembira dengan peluang tersebut tetapi bercampur dengan kesedihan karena akan meninggalkan tanah air dan berjauhan dengan keluarga.

Di Kota London yang begitu asing bagi tokoh ini, keadaan yang berbeda dan beliau memerlukan masa untuk menyesuaikan diri. Pada tahun pertama berada di perantauan menghadirkan keadaan yang sukar dari aspek kerinduan, kesihatan yang sering terganggu menjadikan keadaan begitu sukar bagi beliau.

Pernah suatu ketika beberapa orang tempatan bertemu beliau dan menawarkan bantuan supaya beliau lulus dalam pelajarannya tetapi mereka meminta tokoh ini mengikut agama mereka dan keluar dari agama Islam. Tawaran itu sudah tentu ditolak oleh beliau, tidak pernah terfikir olehnya akan berbuat demikian hanya sekadar untuk lulus peperiksaan.³⁰

Tokoh ini pernah mengetuai university beliau dalam pertandingan debat antara universitas dan pasukan beliau mendapat kemenangan. Nama tokoh ini mekar dan harum seantero Kota London di kalangan penuntut senegara dan mereka yang dekat dengannya.

Tokoh ini telah berhasil mendapat kelulusan Ijazah B.A (Law. Hons) dari Universiti Southampton dan Barrister-at law di Lincoln's Inn, London.

²⁹ Ibid., 13

³⁰ Abdul Rahman Fadzail, mantan Naib Presiden BINA, dalam temubual dengan penulis pada 14 Mei 2015

Kedua-dua ijazah tersebut diperolehi oleh beliau dari dua buah university dalam masa yang bersamaan.³¹

Dengan kejayaan tokoh ini telah mencapai cita-citanya dalam bidang pelajaran dan sudah tentu kejayaan ini mampu mengubat segala kepayahan yang dilalui sejak kecil lagi. Di samping ijazah, beliau membawa pulang isteri beliau dari rumahtangga yang telah dibina semasa menuntut di London. Isterinya itu adalah rakan beliau sejak kecil lagi yaitu anak Tauke Chong yang menjadi jiran mereka semasa di Miri dengan memakai nama Islamnya Normah.³²

Kepulangan Abdul Rahman dari England disambut seperti wira dan ramai orang menunggunya di Lapangan Terbang Kuching. Ramai orang bercakap dan berbangga dengan kejayaan beliau. Beliau merupakan anak bumiputera yang pertama mempunyai kelulusan undang-undang.³³

C. Karier

Apabila kembali ke tanah air pada tahun 1959, tokoh ini bekerja dan memberi khidmat untuk negeri Sarawak. Beliau dilantik sebagai Crown Counsel dan Timbalan Pendakwa Raya (DPP) selama empat tahun bermula dari

³¹ Ibid.

³² Ibid.

³³ Karia Bin Haji Rahmat, "Pemerintahan Negeri Sarawak Zaman Datuk Patinggi Haji Abdul Rahman Ya'kub: Satu Analisa Dari Perspektif Islam" (Kertas Kerja, Fakulti Syariah Akademi Islam, Universiti Malaya, 1994), 44

Januari 1959.³⁴

Tokoh ini merasa pencapaian yang diperolehinya ketika itu bukanlah penamat, sebaliknya beliau sentiasa mencabar dirinya untuk terus meningkatkan pencapaian kepada tingkatan yang lebih tinggi . Kerjaya tokoh ini dalam dunia undang-undang tidak berjalan lama apabila beliau membuat keputusan menceburi bidang politik.

Pada tahun 1963 Abdul Rahman telah dibawa ke Kuala Lumpur oleh Perdana Menteri Malaysia Tunku Abdul Rahman Putra Al-Hajj untuk menyertai cabinet kerajaan pusat dengan menjabat Menteri Muda di Kementerian Hal Ehwal Luar Bandar dibawah Abdul Razak Hussein. Tunku Abdul Rahman Putera juga memberi peranan kepada beliau menganjur aktiviti keagamaan bahkan sering dihantar ke negara-negara Timur Tengah untuk mewujudkan kerjasama dengan Malaysia. Hasil daripada hubungan tersebut terbentuklah Sekretariat Islam yang berpusat di Jeddah, Arab Saudi yang turut melibatkan Tunku Abdul Rahman Putra sebagai salah seorang yang memulakan inisiatif penubuhan sekretariat tersebut.

Pada zaman Abdul Razak Bin Hussein menjadi Perdana Menteri, beliau sering menyenaraikan tokoh ini menyertai lawatan-lawatan beliau ke luar Negara seperti Nepal, Afghanistan, Iran, Syria, Indonesia, India, Pakistan, Negara-negara Teluk, Arab Saudi. Keadaan ini berlanjutan walaupun tokoh ini bertugas sebagai Ketua Menteri Sarawak. Hasil dari itu telah membawa

³⁴ Ibid.

kepada pelantikan beliau sebagai Ahli Komite Rabith Al-Alam Islami yang merupakan sebuah pertubuhan Islam yang terbesar di dunia.³⁵

Tokoh ini tidak pelit untuk berkongsi pengalaman beliau dalam apa sahaja bidang yang diketahuinya sama ada mengenai pelajaran, kerjaya, politik, dakwah dan sebagainya. Beliau juga sangat cintakan ilmu pengetahuan dan beliau masih kuat membaca buku terutamanya buku-buku agama. Beliau pernah berpidato semasa lawatan keluar negara di hadapan para penuntut dan mereka menyangka tokoh ini seorang ustaz karena ketepahan beliau menyampaikan ceramah dan memiliki bacaan ayat al-Qur'an yang sangat baik.

Oleh itu apabila beliau berpeluang untuk berbicara dihadapan umum terutamanya kalangan anak muda atau pelajar, beliau akan menggalakkan kepada mereka menuntut ilmu pengetahuan dengan bersungguh-sungguh. Beliau berpegang dengan prinsip : *“Tiap kali jatuh bukan bererti gagal, bahkan tiap kali jatuh adalah untuk bangun kembali mengejar kejayaan.”*³⁶

D. Anugerah yang Pernah Diterima

Beberapa anugerah dan medali kebesaran yang pernah diterima oleh tokoh ini adalah seperti Datuk Patinggi Bintang Kenyalang dari Negeri Sarawak dalam tahun 1974, Panglima Mangku Negara pada tahun 1977 yang membawa gelaran Tan Sri, SPMJ (Johor), SIMP (Pahang), SPMK (Kelantan),

³⁵ Suhaimi Mokhtar, *Putera Kenyalang Satu Dekad Penuh Cabaran*, 112-113

³⁶ Jawatankuasa Penyelidikan Sejarah Penerbitan dan Penerangan Perayaan 10 Tahun Angkatan Nahdatul Islam Bersatu (B.I.N.A), *Sepuluh Tahun BINA 1969-1979*, 24

SSDK (Kedah), PNBS (Sarawak), SPMP (Perlis).

Beliau juga pernah menerima “*The Order of The Star of Merit*” (Korea) dalam tahun 1967, “*The Order of Star of Ethiopia*” (The Grand Cordon) dalam tahun 1968, Bintang Mahaputra dari Indonesia dalam tahun 1970.

Selain itu beliau juga mendapat anugerah-anugerah dari pusat pengajian tinggi Seperti Pro-Cancellor Universiti Teknologi Malaysia (UTM), Doktor Undang-undang Kehormat dari Universiti Kebangsaan Malaysia (UKM), Doktor Sains Kehormat dari Universiti Pertanian Malaysia (UPM). Tokoh ini adalah merupakan di antara pihak yang mengasas Universiti Kebangsaan Malaysia (UKM) dan menjadi perintis sehingga tertubuhnya Yayasan Sarawak.³⁷

E. Persaraan

Atas alasan kesehatan yang kurang baik pada tahun 1980, tokoh ini memutuskan untuk pensiun dari kancah politik. Pensiun ini juga membabitkan persaraan beliau dalam peranan-peranan yang lain dan kedudukan sebagai Yang Dipertua BINA mula dikendurkan. Beliau bertolak ke London untuk menjalani pembedahan dan memerlukan masa yang panjang untuk berehat.³⁸

Terdapat fakta yang ada merakamkan Abdul Rahman kembali aktif melibatkan diri dalam kancah politik setelah rehat tersebut, namun begitu tiada

³⁷ Jawatankuasa Penyelidikan Sejarah Penerbitan dan Penerangan Perayaan 10 Tahun Angkatan Nahdatul Islam Bersatu (B.I.N.A), *Sepuluh Tahun BINA 1969-1979*, 25

³⁸ Suhaimi Mokhtar, *Putera Kenyalang Satu Dekad Penuh Cabaran*, 91-97